

Haud procul Parisiis *Pons Charentonius* est, vulgo, *le Pont Charenton*, non ignobilis Vicus, ubi Matrona Sequanæ miscetur. Auditur hic *Echo*, quæ terdecies humanam reddit vocem; quæque quod admiratione dignum majore, quadrissyllabum integre & perfecte, quater quinquiesque resonat. Hæc de Parisio: sequitur *Goella*, ut quam minime potest, discedam ab vulgato nomine, *la Goelle*. Huic etiam antiqui perierunt Limites. Manet ejus tantum memoria quibusdam in locis ab Goella cognominatis. Est ibi *Comitatus Dam-Martinenfis*, *la Conté de Dam-Martin*, ab insigni quondam Opido *Dam-Martino*, quod nunc in Vici formam est redactum, in Collicullo collocatum. *Insula Erancia*, *l'Isle de France* ex ipsorum Gallorum definitione comprehendit quidquid Terrarum est ab *Fano S. Dionysii Possiacum*, usque & *Mommorancium*, atque universim quidquid inter Sinus Gyrosque jacet Sequanæ, hinc Picardiam, inde Normanniam versus. Alii alios ipsi fines statuunt. *San-Dionysianum*, vulgo *S. Denys en France*, opidum amœnum atque elegans, quod a Dionysio Areopagita imperiti rerum antiquarum & somniorum monasticorum creduli nomen sortitum arbitrati sunt. *Possiacum*, *Poissy*, Opidum non ignobile. Arx ibi Regibus quondam in delitiis. Eo Regina se conferre solebant, antequam D. Germani arx esset, partum edituræ. Ibidem Regum liberi educabantur, ut postea Blæsis & Ambaxiæ. Inter *Possiacum* & *Lutetiam Fanum* est *D. Germano* consecratum, vulgo *S. Germani en Laye*. Opidum nonnullius antiquitatis. *Mommorancium* vernacule dicitur *Mommorancy*. *Insula* succedit *Vexinum Francicum*, *Vexin*, vel ut alii, *Vulxin le François*. Continet quidquid est *Æsia* fluvio *Claramontem* usque, versus *Picardiam*. Perit & hujus memoria, nisi quod quodammodo servetur, in antiquis quibusdam Chartis & Monumentis. Hæc de *Præfectura Parisiensi*, quatuorque ejus Ditionibus. Altera pars *Valesium*, vulgo *le Pais de Valois*; nomen habere putatur ab amœnissimis, quibus hæc ditio superbit, Vallibus. Alii aliunde derivant. Comitatus olim, hodie Ducatus. Primus *Valesiorum*, ut & *Alenconii*, Comes dictus fuit *Carolus Philippi 11* *Franciæ Regis Filius*, *Philippi Pulchri Frater*; a quo per *Philippum 1* filium *Regium Valesiorum Stemma* in *Galliis* fuit propagatum. Extendit se *Ducatus Valesius* in *Picardiam* usque. *Primarium Opidum* (præter *Cressiacum Cressy*) *Silvanectum* est, *Francis Senlis*. Dictum Latinis quidam augurantur, quod *Silvæ* necatur. Opidum est antiquum, præter *Episcopatum*, *præfectura* & *baillivatu* nobile. Ditavit *Silvanectensis Præfectura Valesium Ducatum Dynastiis*, quæ vulgo audiunt *Pierrefons*, *Bethisi* & *Verberie*, comprehensis *Opidis* quæ nunc *Angy*, *le Pont S. Maxence* (paludibus hoc cinctum est, *Limitemque* statuit *Franciæ & Picardiæ*) *Pongoing*, *Brenonville* &c. Complectitur eadem *Præfectura Compendium Compiègne*, sedem olim *Principum*; *Carolopolim* aliis appellatum, ab *Carolo Calvo*, qui *Pomeria* ejus scribitur produxisse & munivisse. Transgressis *Compendium* occurrunt statim *Picardiæ populi*, *Suessones* & *Laudunenses*. Sub *Compendio* sunt *Magny*, *Thorette*, *Creil*. Continet quoque *Silvanectum Pontis Æsiæ* (*Pontoise*, vulgo *Pontesum* nominat *Ivo epistola cv*) *Baillivatum*, *Præfecturam* & *Vicecomitatum*: cui parent *Ville-Neuve le Roy* & *l'Isle Adam*. *Ponte-Æsiæ* superato, se offert *Normannia*. *Silvanectensis insuper Præfecturæ* Ius agnoscit *Comitatus Belmontinus ad Æsiam*, *la Conté de Beaumont sur Oyse*; antiqua *Præfectura*, cui subsunt *Perlang* & *Metu*. *Comitatus Belmontinus* Dominos agnoscit, *Principes Regiæ stirpis*